



Газета 1966 йил
1 июлдан
чиқа бошлаган

2007 йил, 8 январь, Душанба

ТОШКЕНТ ОҚШОМИ

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 4 (10.813)

Баҳоси эркин нархда

ПОЙТАХТНИНГ Бир кунни Янгиликлар, воқеалар

Киска сатрларда

● **КЕЧА** Сергели туманидаги «Қўшқўрғон» маҳалласида маҳалла фаоллари, ёшлари иштирокида ўтказилган давра суҳбати «Ҳеч кимга бермаймиз сени, Ўзбекистон» деб номланди.

● **ШАҲРИМИЗДА** ўзбек киноси усталари—режиссёрлар, тасвирчилар, актёрлар, ёзувчилар иштирокида ўтказилган тадбирда ўтган йилда кино санъати ривожини йўлида баҳариланган ишлар ҳамда жорий йилги режалар муҳокама қилинди.

● **ТОШКЕНТ** шаҳар ИИББ ташаббуси билан уюштирилган Арча байрами тадбирида ички ишлар идоралари ходимларининг фарзандлари иштирок этишди.

● **АЛИШЕР** Навоий номидаги Санъат саройида кинорежиссёр Исмаил Эргашев раҳбарлигида кино усталари иштирокида суратга олинган «Хўп бўлади, жоним» фильмининг тақдироти бўлиб ўтди.

● **НАВРЎЗ** мажмуасида, Қодирий, Бобур номидаги маданият ва истироҳат боғларида Янги йил муносабати билан болажонлар иштирокида ўтказилаётган байрам томошалари 8 январгача давом этади.

● **СЕРГЕЛИ** туманидаги «Гулистон» маҳалласида 37-оилавий шифохона шифокорлари, маҳалла фаоллари, ёшлари иштирокида ўтказилган давра суҳбати ОИТСнинг олдини олиш мақсадларига бағишланди.

● **БУГУН** Ҳамза туманидаги «Бинокор», «Ўрта масжид» маҳаллаларида «Кўча арча» лойиҳаси доирасида ўтказилган тадбирда болажонларга Қорбобо ва Қорқиз совғалар улашди.

(Тошкент шаҳар ҳокимлигининг Ахборот хизмати ва ўз мухбирларимиз хабарларидан).

**ИССИҚ ЖОН ИСИТМАСИЗ
БЎЛМАЙДИ, ДЕЙШАДИ. ҲАР
БИРИМИЗ ТОВИМИЗ ҚОЧИБ ҚОЛСА,
ДАРҲОЛ ДОРИ-ДАРМОНЛАРДАН
ФЙДАЛАНИШГА ҲАРАКАТ
ҚИЛАМИЗ. ЛЕКИН БУ ҲАМИША
ҲАМ КЎНГИЛДАГИДЕК НАТИЖА
БЕРАВЕРМАЙДИ. ОРГАНИЗМДАГИ
БИРОР КАСАЛЛИККА ДАВО
БЎЛГАН ДОРИ БОШҚАСИНИ
ҚЎЗГАТИШИ ҲАМ ЭҲТИМОЛДАН
ҲОЛИ ЭМАС.**



Кичик бизнес

ШИФОБАХШ ЎСИМЛИКЛАРДАН ТАЙЁРЛАНМОҚДА

— Бизнинг халқ табобатининг ил-гори тажрибаларидан фойдаланиб изланишлар асосида тайёрлаётган шифобахш чойларимиз эса инсон организмидagi жамики касалликларга даво бўлади,— дейди «NAFIS OLAM» масъулияти чекланган жамияти бош директори Равшан Исахонов.— Икки йиллик пухта тайёргарлик ва доривор ўсимликларни ўрганиш ўз самарасини бериб, ўтган йилда илк маҳсулотимиз—наъматакнинг сараланган меваларини қайта ишлаш асосида уч турдаги шифобахш чойларни тайёрлашни йўлга қўйдик. Энг муҳими эса ушбу чойларни истеъмол қилиш организмга қувват бағишлайди, қандили диабет, юрак-қон томир касалликлари, гипотония, гипертония, анемия, ошқозон-ичак ҳамда юқумли касалликларни даволашда муҳим аҳамият касб этади. Ушбу чойларни 50 граммлик кутиларда қадоқлаб, харидорларга етказиб беришни йўлга қўйдик. Махсулотларимиз сертификатланган бўлиб, талабга тўла жавоб беради.

Тадбиркорларнинг ҳар томонлама қўллаб-қувватланиши ва эркин фаолият юритишлари учун яратилган шарт-шароитлардан унумли фойдаланган тадбиркор Равшан

Исахонов ўз изланишларини давом эттириб, бошқа доривор ўсимликлардан ҳам хушбўй ва шифобахш чойлар тайёрлашга киришди.

Булор Судан атиргули, стевия, яъни асал, ўт ҳамда мойчекка ўсимликлари бўлиб, ҳар бирининг ўзига хос шифобахш хусусияти бор. Наъматак данагидан ёғ олиш ҳам кўзда тутилган бўлиб, ушбу маҳсулотнинг таъсир кучи облепиха ёғидан бир неча баробар кучли эканлиги тажрибада синалган.

— Изланишларимизнинг бош мақсади — инсон саломатлиги, одамлар дардида малҳам бўлиб, турли касалликларнинг олдини олиш ва уларни даволашдир,— дейди Равшан Исахонов.— Албатта ниятларимиз йўлида ҳар бир имкониятдан унумли фойдаланамиз, махсулот сифатини ошириб, турларини кўпайтираверамиз. Чунки жаннатмакон юртимизда табиятнинг ҳали очилмаган сирлари, доривор гиёҳларининг эса турлари жуда кўп.

**Шарифа ИЛЁСОВА
СУРАТДА: «Татиб кўринг—
шифо топасиз»,— дейди цех
бошлиги Гули Гуломовна.
Ҳакимжон Солихов олган
сурат.**

ХАЛҚ ДЕПУТАТЛАРИ ТОШКЕНТ ШАҲАР КЕНГАШИГА САЙЛОВ ЎТКАЗУВЧИ ШАҲАР САЙЛОВ КОМИССИЯСИНING НАВБАТДАГИ ЙИГИЛИШИ БЎЛИБ ЎТДИ.

Илгари маълум қилинганидек, Ўзбекистон Республикасининг «Халқ депутатлари вилоят, туман ва шаҳар Кенгашига сайлов тўғрисида»ги Қонунининг 44-моддасига мувофиқ айрим депутатларнинг ваколатлари муддатидан олдин тўхтатилганлиги муносабати билан пойтахтдаги иккита— 15-Феруза (Мирзо Улугбек тумани) ва 52-Уста Ширин (Юнусobod тумани) сайлов округлари бўйича 2007 йил 28 январь кунини бўшаб қолган ўринларга депутатлар сайлови ўтказилди.

Қайд этилган қонун талабларидан келиб чиққан ҳолда ҳамда мазкур сайловга тайёргарлик қилиш ва уни ўтказиш бўйича чора-тадбирлар тақдим режасига биноан шаҳар сайлов комиссияси қарори билан округ сайлов комиссияла-

Шаҳар сайлов комиссиясида

БАРЧА СИЁСИЙ ПАРТИЯЛАР КАТНАШАДИ

ри, шунингдек, участка сайлов комиссиялари тuzилиб, уларнинг таркиби тасдиқланди. Жумладан, 15-Феруза сайлов округи бўйича саккизта, 52-Уста Ширин сайлов округи бўйича тўққизта, жами 17 та участка сайлов комиссиялари ўз ишини бошлади. Ушбу участка комиссиялари ваколатига бевосита сайлов кампанияси жараёнларини бошқариш, хусусан, сайлов кунини тегишли сайлов участкасида овоз беришни ташкил этиш, ҳар бир сайлов участкасида берилган овозларни ҳисоблаб чиқиш қиради.

«Халқ депутатлари вилоят, туман ва шаҳар Кенгашига сайлов тўғрисида»ги Қонуннинг 20-моддасига асосан халқ депутатлари шаҳар Кенгаши сайловида номзодлар қўрасатиш ҳуқуқига сиёсий партиялар, фуқароларнинг ўзини ўзи бошқариш органлари, шунингдек,

фуқаролар ташаббускор гуруҳлари эга. Айтиб ўтиш керакки, сиёсий партия сайлов кампанияси бошлангани эълон қилинган кундан камидан олти ой олдин қонунда белгиланган тартибда рўйхатга олинган тақдирдагина депутатликка номзодлар қўрасатиши мумкин.

Шаҳар сайлов комиссияси номига амалдаги барча бешта сиёсий партиядан аризалар тушди. Шаҳар сайлов комиссиясининг навбатдаги йиғилишида сайловда иштирок этиш учун тақдим этилган ҳужжатларнинг тўлалиги, шу жумладан сиёсий партияларнинг рўйхатга олинганликлари тўғрисидаги маълумотноманинг мавжудлиги ҳам қўриб чиқилди ва барча партияларнинг бўшаб қолган ўринларга ўтказилаётган сайловда иштирок этишига ижозат бериш юзасидан қарор қабул қилинди.

Бўшаб қолган ўринларга бўлиб ўтаётган сайловда катнашаётган сиёсий партияларнинг рўйхати аризалар келиб тулиши навбатига қараб қуйидаги тартибда тuzилиди: Тадбиркорлар ва ишбилармонлар ҳаракати — Ўзбекистон Либерал-демократик партияси, Ўзбекистон Халқ демократик партияси, Ўзбекистон «Адолат» социал-демократик партияси, Ўзбекистон Миллий тикланиш демократик партияси, Ўзбекистон Фидокорлар миллий демократик партияси.

Жорий йил 28 январь кунини бўлиб ўтаётган сайловлар бўйича барча маълумотларни жойлардаги сайлов округлари ёки сайлов участкаларидан, шунингдек, бевосита шаҳар сайлов комиссияси (Мовароуннахр кўчаси, 14-уй, тел. 133-59-17)дан олиш мумкин.

Ильмира ЗАЙНУТДИНОВА

ЎЗБЕК КУРАШИ ЯПОНИЯДА ҲАМ ОММАВИЙЛАШМОҚДА

ҲОЗИРГИ ПАЙТГА КЕЛИБ «КУРАШ» ХАЛҚАРО АССОЦИАЦИЯСИ ОСИЁ, АМЕРИКА, АФРИКА, ЕВРОПА ВА ОКЕАНИЯ МАМЛАКАТЛАРИНИНГ 80 ДАН Ортиқ миллий ФЕДЕРАЦИЯЛАРИНИ ЎЗ АТРОФИДА БИРЛАШТИРДИ. ЯПОНИЯНИНГ «КУРАШ» МИЛЛИЙ ФЕДЕРАЦИЯСИ 1999 йили ташкил топган эди. Қуйида МАЗКУР ФЕДЕРАЦИЯ РАИСИ ХИДЕО КАМАГАНИНГ БУ ХУСУСДАГИ ФИКР-МУЛОҲАЗАЛАРИ ЭЪТИБОРИНГИЗГА ҲАВОЛА ҚИЛИНАДИ:

— «Кураш» ўзининг кўпгина сифатлари билан «Дзюдо» ва «Сумо» каби япон яқин кураш турларини эслатади — унда ҳам ақл кучи, мардлик ва адолат устуворлик қилади, — дейди Х.Камага.

Ўзбек кураши билан биринчи мартаба 1998 йилда танишганим. Уша кезлари мен япон спортчилари жамоаси таркибига Ўзбекистонга борган эдим. Шунда бу яқин кураш турининг жўшқинлиги мени мафтун этганди. Ўзбекистон Республикаси Президенти Ислам Каримовнинг бу қадимий ўзбек Беллашувини қайта тиклаш ва халқаро микдосда унинг нуфузини кўтариш борасидаги астойдил ғамқурили-

ги ва шахсан қўллаб-қувватлаши эса мени ҳаммасидан ҳам кўпроқ хайратга солди. Мен курашга шу қадар қизиқиб кетдимки, Японияда ушбу спорт турини оммалаштиришга қандай бўлмасин кўмаклашишни ўз олдига вазифа қилиб қўйдим. Ўзбек ҳамкасбларимиз билан биргаликдаги саъй-ҳаракатлар натижаси ўларок, 1999 йил январь ойида Токиода «Кураш» федерацияси ташкил этилди. Олиб борилган саккиз йиллик фаолиятимиз хусусида шуни айтишни истардимки, «Кураш» халқаро уюшмаси билан биргаликда Японияда бу спорт турини кенгайтириш ва оммалаштириш борасида салмоқли ишларни бажара ол-

дик. «Кураш» бугунги кунда мамлакатимизда семимли яқин кураш турларидан бирига айланган. Шунинг учун ҳам 2006 йилнинг декабрида Дохада бўлиб ўтган Осиё ўйинларида ўзбек кураши бўйича мусобақаларни кузатиш мен учун жуда мароқли бўлди.

Кези келганда Японияда курашни оммалаштириш бўйича келгусидаги режаларимизга ҳам тўхталганини истар эдим. 2007 йил январь ойида кураш бўйича халқаро конференция ўтказишни мўлжаллаётимиз. Тадбир давомида жаҳонда бу яқин кураш турини стратегик ривожлантириш масалалари муҳокама қилинади.

Шу фурсатдан фойдаланиб, ўзбек халқини ва бу спорт турининг барча илосмандларини Янги йил билан табриклимаман. Барчага ўзимнинг энг эзгу тилакларимни — тинчлик, соғу саломатлиги ва гуллаб-яшнашларини тилаб қоламан.

**А. КҶЧКОВОВ ёзиб олди
«Жаҳон» АА
Токио**

ҲУРМАТЛИ ҲАМШАҲАРЛАР!

Шаҳримизда барча коммунал хизматлари кўрсатиш, жумладан, соҳага оид туман таъмирлаш ва авария-тиклаш ташкилотлари, хусусий уй-жой мулкдорлари ширкатларининг фонди, ижтимоий объектлар, муҳандислик тармоқларини кузги-қуш мавсумига тайёрлаш борасидаги ишларини мувофиқлаштирувчи махсус маркази доимий фаолият юретида.

Сизнинг тақдирларингизни инобатга олган ҳолда ҳамда белгиланган тегишли ишларни ўз вақтида тўлиқ яқунлаш, шунингдек аҳолини куз-қиш мавсумида иссиқлик, электр қуввати, ичимлик суви, газ билан мунтазам таъминлаб бориш мақсадида уй-жойлар тасарруфиди аниқланган барча камчиликлар юзасидан Тошкент шаҳар ҳудудий коммунал фойдаланиш бирлашмаси ҳузурида янги ташкил этилган ва кунутун фаолият юритувчи диспетчерлик хизматида **0-55. ТЕЛЕФОНИ** орқали мурожаат этишингизни сўраймиз.

Мурожаатларингиз бўйича аниқланган барча камчиликлар юзасидан тезкор чоралар кўрилади.

Ишонамизки, Тошкент шаҳар ҳокимлигининг бевосита аҳоли билан бу борадаги ҳамкорлиги ўзаро манфаатли ишларимизда кутилган натижаларга эришишга асос бўлади.

**XXI АСР
САДОСИ**
БАРЧА МАНБАЛАРДАН ОЛИНГАН
СЎНГГИ ХАБАРЛАР



МАМЛАКАТИМИЗДА

● Олий Мажлис Қонунчилик палатаси Халқаро ишлар ва парламентлараро алоқалар қўмитасининг йиғилиши бўлиб ўтди. Унда иккинчи ўқишга тайёрланган «Ўзбекистон Республикасининг чет давлатлардаги ваколатхоналари бошлиқларини тайёрлаш ва чақириб олиш тартиби тўғрисида»ги Қонун лойиҳаси муҳокама қилинди.

● Президентимизнинг «Республика аҳолисини ахборот-кутубхона билан таъминлашни ташкил этиш тўғрисида»ги Қарорига биноан Қарши шаҳридаги Сайидо Насафий номли вилоят кутубхонаси «Ахборот-кутубхона маркази»га айлантирилди. Айни пайтда мазкур ахборот-кутубхона маркази ўзининг 302 минг 868 нусха китоб фондига эга. Бу ерда гуруҳларга бўлинган 43 та ижодий ходим босқичма-босқич ўқитилади.

● «Соғлом авлод учун» халқаро хайрия жамғармасининг ташаббуси билан кунин кеча Тошкент шаҳрида яшовчи кам таъминланган оилаларнинг 130 нафар фарзанди Чирчикдаги «Бўстон» дам олиш масканига жўнаб кетди. Бу хайрли тадбир Республика Хотин-қизлар қўмитаси ҳамкорлигида ва Россия Федерациясининг Ўзбекистондаги элчихонаси ҳомийлигида ташкил этилди.

● Хоразмнинг чекка гўшаларидан бири ҳисобланмиш «Тошсақа» қишлоғи аҳли учун Янги йил хурсандчилиги билан бошланди. Бу ерда қишлоқ врачлик пункти қурилиб ишга туширилди. Янги ҚВП қурилишида давлат бюджетидан 84,5 миллион сўм маблағ сарфланди. ҚВПни «Саломатлик-2» дастури асосида замонавий тиббий ускуналар билан жиҳозлаш режалаштирилмоқда.

● Ўзбекистон Республикаси Халқ таълими вазирлиги қошидаги Болалар спортини ривожлантириш жамғармаси ҳомийлигида Нурота туманидаги «Нурота» қоракўлчилик ширкат хўжалиги ҳудудидаги Темир-қоқ қишлоғида янги спорт комплекси қуриб, фойдаланишга топширилди. Эндиликда яқин атрофдаги 10 та қишлоқ ва овулларда истикомат қилувчи 2000 нафар ўқувчилар бу ерда спортнинг 10 та тури билан шуғулланишлари мумкин.

● Нукус яқинидаги «Бес тобе» овулида истикомат қилувчи 2000 нафардан кўпроқ аҳоли сифатли ичимлик суви билан таъминланди.

● Қашқадарё вилоят архив ишлари бошқармасида архив материалларининг кўргазма зали очилди. Бу ерга қўйилган кўргазма материаллари Қашқадарё воҳасининг 1614 йилдан бошлаб ҳозирги кунгача бўлган тарихи хусусида ҳикоя қилади.

● Пешку туманидаги Богимусо қишлоқ фуқаролар йиғини ҳудудида жойлашган 3-мактабнинг энг яхши ўқувчиларига «Анвар» фермер хўжалигининг раҳбари Т.Рахмонов стипендиялар таъсис этди. Биринчи ярим йиллик якунларига кўра ўнга яқин аълочи ўқувчи стипендияларнинг соҳиблари бўлишди.

● Низомий номидаги Тошкент Давлат педагогика университети ва Гулистон Давлат университетлари ўртасида телекўприк шаклида илмий-амалий конференция ўтказилди. Ўзбекистон ХДП Яққасарой туман Кенгаши ташаббуси билан ташкил этилган ушбу анжуман «Ёшларнинг юксак маънавияти мамлакатимиз келажагининг мустаҳкам пойдеворидир» деб номланди.



ЖАҲОНДА

● Никарагуа пойтахти Манагуа шаҳрида мамлакатнинг янги сайланган Президенти Даниел Ортега ўз вазифасини бажаришга киришди. Президентнинг расмий иннаугурация маросими эса чоршанба кунини бўлиб ўтади.

● АҚШ тарихида илк бор мамлакат конгрессининг вакиллар палатасига спикер этиб аёл киши тайинланди. Палатада демократлар фракциясини бошқарётган Нэнси Пелоси мазкур лавозимни эгаллайдиган бўлди.

● Ҳиндистондаги Пури курорт шаҳрида рўй берган йўл-транспорт ҳалокати оқибатида россиялик бир фуқаро ҳаётдан қўз юмди ва 9 киши турли даражадаги тан жароҳатларини олди. Гап шундаки, россиялик мутахассисларни қорхонага элтаётган мини-автобус тоғ йўлида ҳайдовчининг автоуловни бошқара олмаганлиги натижасида пастликка кулаб тушган.

● АҚШ Молия вазирлиги Суриянинг учта илмий-тадқиқотлар уюшмасининг Америка банкларидаги ҳисоб рақамини музлатиб қўйди. Маълумотларга кўра, ушбу ташкилотлар оммавий қирғин қуролиларини яратиш устида изланишлар олиб бормоқда.

● Канаданин Ванкувер шаҳрида 2010 йилда киши Олимпиада ўйинлари ўтказилиши мўлжалланаётган ёпиқ стадионнинг томи кулаб тушган. Ҳозирда ушбу ҳодиса сабаблари аниқланмоқда.

● Нью-Йорк, Вашингтон ва Шимолий Американин бошқа шаҳарларида ҳавонинг кескин даражада исиб кетиши натижасида қишда олча дарахтининг гуллаши ҳолати юз берди.

● Швецияда шайбали хоккей бўйича ёшлар ўртасидаги жаҳон чемпионати канадалик спортчиларнинг ғалабаси билан тугади.

● Рождество байрами кечаси Свердловск областидаги черковлардан бирининг руҳонийси ўлдирилган. Бундан мақсад черковдаги қимматбаҳо иконаларни ўғирлаш бўлиб, тез орада ушбу жиноятни амалга оширган икки маҳаллий шахс қўлга олинди.

